

Mensahe 2

Nahimong Kalipay Nato ang Kalipay sa Tulo-usang Dios

Basahong Kasulatan: Rom. 15:13; 14:17; Juan 15:4, 11; Gal. 5:22

I. Dios sa kalipay ang Tulo-usang Dios:

- A. Niingon ang Roma 15:13, “Karon ang Dios sa paglaom magpuno ninyo sa tumang kalipay ug kalinaw”:
 - 1. Nagpakita kini nga usa sa mga kaayo sa Dios ang kalipay.
 - 2. Dios sa pagpahimulos ang Dios.
 - 3. Sa kasinatian nato, kon magpahimulos ta sa Dios nga grasya, duna tay kalinaw, ug kon duna tay kalinaw, duna tay kalipay.
- B. Kalipay sab sa mga magtutuo si Cristo:
 - 1. Niingon ang Ginoo sa Juan 15:11, “Gisulti Nako ninyo kining mga butanga aron maanaa ninyo ang Akong kalipay ug nga mahingpit ang inyong kalipay.”
 - 2. Ang unod ning versiculoha mao ang pulong sa Ginoo kalabot sa punoan sa paras ug mga sanga.
 - 3. May kalabotan sa kalipay ang pagkahimo natong mga sanga sa diosnong punoan sa paras—usa ka malipayong kinabuhi.
 - 4. Naggikan gyod sa pagpabilin nato sa Ginoo, sa pagpabilin nato sa Iyang gugma ang kalipay nato.
 - 5. Tungod man ning kinabuhia nga hingpit tang malipay.
 - 6. Si Cristo mismo kining kalipaya; kon magpabilin Siya nato, magpabilin ang Iyang kalipay kanato aron mahimong tinubdan sa atong kalipay aron modagaya ug mahingpit ang atong kalipay ug malipayon tang makakinabuhi sa mga adlaw nato.
- C. Dunay kalipay diha sa Espiritu Santo—Rom. 14:17:
 - 1. Buot ang Dios nga magpahimulos ta Niya ug magkinabuhi alang sa Iyang tuyo—Neh. 8:10; Efe. 3:11.
 - 2. Dios sa kalipay ang Tulo-usang Dios, ug ang mga apostol mga masigka-magbubuhay sa mga balaan alang sa ilang kalipay—Rom. 15:13; Juan 15:11; 17:13; Buh. 13:52; Gal. 5:22; 2 Cor. 1:24; Fil. 1:25; 2:17-18.
 - 3. Masinati nato ang kalipay sa pulong sa Ginoo nga naa sa atong kasingkasing—Jer. 15:16.
 - 4. Ang tam-is nga hunahuna nga gipadayag sa Pulong sa Dios mao nga diha ni Cristo gihatag sa Dios ang Iyang Kaugalingon kanato ingon nga grasya aron mapahimuslan nato—Juan 1:14, 16-17; 2 Cor. 13:14:
 - a. Sa unang referencia sa Biblia kalabot sa relasyon sa Dios sa tawo, gipresentar sa Dios ang Iyang Kaugalingon sa tawo ingon nga kalan-on; nagpakita kini nga gusto sa Dios nga pahimuslan nato Siya—Gen. 2:7, 9; Sal. 16:11; Jer. 15:16.
 - b. Tinguha sa Dios nga ihatag ang Iyang Kaugalingon kanato aron mapahimuslan nato—Neh. 8:10.
 - c. Ang sekreto sa Cristohanong kinabuhi dili man unsa kadaghan ang gibuhay nato alang Niya kondili unsa kadaghan ang nasuyop ug napahimuslan nato Niya—Juan 15:4-5; Col. 2:6-7.

II. Nahimong kalipay nato ang kalipay sa Tulo-usang Dios:

- A. Diha sa persona ni Cristo Siya ang kalipay nato:

1. Kon magpabilin ta sa Ginoo ug sigeng magpabilin Kaniya pinaagi sa pagpabilin nato sa Iyang gugma, mapuno ta sa kalipay—Juan 15:10-11.
 2. Gipahiuli sa Ginoo ang mga butang nga nasipyatan sa kadaghanan sa mga Cristohanon, ug ang pagpahimulos sa Ginoo maoy usa sa labing importante ning mga butanga—1 Ped. 1:8.
 3. Gibasi sa Juan 6:57 ang kalabot sa pagkaon ug pagpahimulos sa Ginoo.
 4. Ang Cristohanong pagkinabuhi kinabuhi sa pagkaon, pag-inom, ug pagpahimulos sa Ginoo adlaw-adlaw—v. 57; 1 Cor. 10:4.
 5. Aron magmatinud-anon, normal, ug husto ta nga mga Cristohanon, ang ulohanong butang nga tagdon gyod nato mao ang pagpahimulos sa Ginoo; mahimo gyod kining panan-awon alang nato—Prov. 29:18; Buh. 26:19.
 6. Manguna gyod ang atong espiritu sa pagpahimulos sa Ginoo—Heb. 4:12:
 - a. Kat-onan gyod nato nga direktang mogamit sa atong espiritu ug pasundon sa espiritu ang kalag.
 - b. Agresibo gyong manguna ang atong espiritu sa pagpahimulos sa Ginoo.
 7. Sa pag-ampo sa Anak ngadto sa Amahan, niingon Siya, “Moanha Ko Nimo, ug gipamulong Nako kining mga butanga diha sa kalibotan aron mahingpit diha nila ang Akong kalipay”—Juan 17:13:
 - a. Naa sa tinuod nga pagkausa ang hingpit nga kalipay.
 - b. Kon nausa ta sa ngalan sa Amahan pinaagi sa kinabuhi sa Amahan, usang nagpahimulos sa Amahan, mahingpit diha nato ang kalipay sa Ginoo—v. 13.
- B. Diha sa iglesia nga gingharian sa Anak sa gugma sa Amahan, masinati ug mapahimuslan nato si Cristo sa Iyang pagkamalangkobon-sa-tanan—Col. 1:12-13, 27; 2:9, 16-17; 3:1, 4, 11:
1. Si Cristo ang pahat nato, ang maayong yuta nato—ang diosnong panulundon nga mapahimuslan nato—1:12.
 2. Si Cristo ang realidad sa tanang positibong butang sa uniberso—2:16-17.
 3. Si Cristo ang naglingkod sa may tuong kamot sa Dios—3:1.
 4. Nagpuyo si Cristo sa sulod nato isip paglaom nato sa himaya—1:27.
 5. Si Cristo ang kinabuhi nato—3:4.
 6. Si Cristo ang inug-umol sa usang bag-ong tawo—vv. 10-11.
- C. Matod pa sa 1 Pedro 1:8, “nagkalipay og dako [ang mga magtutuo] sa kalipay nga dili maasoy ug puno sa himaya”:
1. Natugob sa Ginoo nga himaya kining kalipaya; busa, puno kini sa pagpa-dayag sa Ginoo.
 2. Sa pagtuo nato ngadto sa Ginoo ug paghigugma Kaniya, nabatonan nato ang dakong kalipay.
 3. Ang normal nga kahimtang sa usa ka Cristohanon pagkalipay man nga puno sa himaya.
- D. Daghag aspeto ang pagpahimulos sa Ginoo, sama sa kalipay sa presensya sa Ginoo (Sal. 16:11), ang kalipay sa pagkinabuhi diha sa diosnong paghigugmaay (A. A. 1:1-4), ang kalipay sa diosnong pagpaambit sa Diosnong Trinidad (2 Cor. 13:14; Efe. 3:14-21), ang kalipay sa pag-inom sa suba sa mga kahimuot sa Dios (Sal. 46:4a; 36:8b), ang kalipay nga masayod sa gugma sa Dios (Gal. 2:20; Rom. 8:38-39), ang kalipay sa pagbuhat sa kabubut-on sa Dios (Sal. 40:8a), ang kalipay nga makontento sa tanang sirkumstansya (Fil. 4:11), ug ang pagsulod nato ngadto sa kalipay sa Ginoo diha sa gingharian (Mat. 25:21, 23).
- E. Malipayon gyod unta nga tawo ang usa ka Cristohanon—malipayon diha sa Espiritu—Gal. 5:22:

1. Kalipay nato ang Ginoo kon naa ta Niya—Rom. 14:17.
2. Kon magpabilin ta sa Ginoo, bisan unsa pay problema nato, malipayon ta, ug makapalalom sa kalipay nato diha sa Ginoo ang bisan unsang kalisod—Juan 15:4.
3. Espiritu sa kalipay ang Espiritu Santo—Rom. 14:17:
 - a. Kon malipayon ta, nagpakita kini nga malipayon sab ang Espiritu Santo sa sulod nato—Gal. 5:22.
 - b. Wala tingaliy makapalipay nato sa palibot nato sa gawas, apan ang Ginoo nga nagpuyo sa sulod nato mao ang kalipay nato—Col. 1:27.